

Ured koordinatora OSCE-ovih ekonomskih i okolišnih aktivnosti **Smanjenje rizika od katastrofa**



Katastrofe i sigurnost

Katastrofe utječu na sigurnost naroda i država. Njihov utjecaj se može osjetiti sa obje strane granice i često je potrebno ostvariti prekograničnu saradnju da bismo se pozabavili izazovima koje one donose. Očekuje se da će klimatske promjene dovesti do veće učestalosti i obima katastrofa. OSCE, sa svojim sveobuhvatnim pristupom sigurnosti, igra važnu ulogu u jačanju otpornosti zajednica, država i regiona.

Metode i sredstva za smanjenje rizika od katastrofa omogućavaju snažnu saradnju i zajedničko djelovanje kako između država članica OSCE-a

tako i između različitih aktera, te stoga doprinose sprečavanju sukoba i izgradnji povjerenja.



OSCE-ova vozila su poslana u pogođene lokalne zajednice sa ciljem pomoći vlastima u procjeni šteta koje su u maju 2014. godine izazvale poplave u Bosni i Hercegovini.

Mandat

Važnost saradnje u oblasti smanjenja rizika od katastrofa je prepoznata u **Završnom dokumentu iz Helsinkija potpisanom 1975. godine**. Potom je uslijedilo nekoliko dokumenata o politici djelovanja koji su se osvrnuli na pripremljenost za slučaj katastrofa i upravljanje katastrofama u kontekstu OSCE-a, uključujući **OSCE-ov Strateški dokument za ekonomsku i okolišnu dimenziju iz 2003. godine, i Deklaraciju o okolišu i sigurnosti iz Madrida 2007. godine**.

Odluka Ministarskog vijeća OSCE-a o jačanju mjera za smanjenje rizika od katastrofa iz Bazela 2014. godine predstavlja kamen temeljac politike OSCE-a u ovoj oblasti. Njome se prepoznaje da katastrofe mogu potencijalno dodatno doprinijeti sukobu i da sukobi mogu utjecati na podložnost društva katastrofama. Odlukom se također naglašava važnost saradnje među državama članicama OSCE-a u upravljanju rizikom od katastrofa.

OSCE-ove aktivnosti na smanjenju rizika od katastrofa predstavljaju dio međunarodnih napora usmjerenih ka osiguranju održivije budućnosti za sve.

One doprinose provedbi Agende za održivi razvoj do 2030. godine, kao i Sendai Okvira za smanjenje rizika od katastrofa u periodu od 2015. do 2030. godine, usvojenom na Trećoj UN-ovoj svjetskoj konferenciji o smanjenju rizika od katastrofa 2015. godine.



Čime se bavimo

OSCE osposobljava svoje države članice u oblasti smanjenja rizika od katastrofa putem terenskih aktivnosti koje provode Ured koordinatora OSCE-ovih ekonomskih i okolišnih aktivnosti (OCEEA) i terenske misije OSCE-a u saradnji sa specijaliziranim partnerima.


Upravljanje rizicima od šumskih požara

OSCE osposobljava državne vlasti i stručno osoblje za upravljanje rizicima od šumskih požara i za izgradnju regionalno usklađenih okvira upravljanja rizicima od šumskih požara. U oblasti južnog Kavkaza, OSCE pomaže državama članicama u pripremi državnih politika upravljanja rizicima od šumskih požara, a također je pružio podršku izradi Sistema ocjenjivanja nivoa opasnosti od požara, kao sredstva za rano upozoravanje.

Slično tome, OSCE je pružio podršku uspostavljanju Regionalnog protivpožarnog resursnog centra u Mongoliji, da bi pomogao naporima usmjerenim ka upravljanju katastrofama u toj državi i u regionu Centralne Azije. OSCE također saraduje sa Bjelorusijom i Ukrajinom na smanjenju rizika koji šumski požari predstavljaju za zajednice, vatrogasce i okoliš u i oko oblasti koje su bile kontaminirane tokom nuklearne nesreće u Černobilu 1987. godine.



OSCE organizira regionalne obuke u svrhu osposobljavanja nadležnih državnih vlasti i stručnog osoblja za upravljanje rizicima od šumskih požara.



Ciklus djelovanja sa ciljem smanjenja rizika od katastrofa: OSCE-ovi projekti i aktivnosti se fokusiraju na pripremljenost i saradnju.

Smanjenje rizika od poplava

OSCE omogućava ostvarivanje prekogranične saradnje u oblasti upravljanja vodnim resursima i obučava državne vlasti i stručno osoblje na temu smanjenja rizika od poplava. Radionice i praktične vježbe obrađuju teme kao što su modeliranje i mapiranje rizika od poplava u ugroženim područjima, procjena stepena ugroženosti i komuniciranje na temu rizika od poplava između država koje dijele zajedničku obalu i sa njihovim stanovništvom.

U slivu rijeke Dnjestar, mjere za ublažavanje posljedica poplava, ostvarene uz podršku OSCE-a, uključuju instalaciju stanica za monitoring vodostaja koje su izvršile Ukrajina i Moldavija, kao i aktivnosti obnavljanja ekosistema.



Zbog toga što poplave često prelaze državne granice, OSCE omogućava održavanje regionalnih skupova da bi pomogao državama u uspostavljanju jakih mehanizama koordinacije. U 2016. godini, OSCE je okupio učesnike iz Kirgistanu i Tadžikistanu na obuci o smanjenju rizika od katastrofa.

Čime se bavimo (nastavak)

Smanjenje rizika od katastrofa na nivou lokalnih zajednica

OSCE jača prekograničnu saradnju između općina i zajednica koje se nalaze u područjima visokog rizika, putem organiziranja zajedničkih obuka i pružanja tehničke pomoći u pripremi lokalnih planova za smanjenje rizika od katastrofa. U ovome OSCE djeluje u partnerstvu sa Aarhus centrima, koji pružaju mogućnost lokalnim



institucijama, organizacijama civilnog društva i privatnom sektoru da se na jednom mjestu zajednički pozabave okolišnim i sigurnosnim izazovima na lokalnom nivou. Aarhus centrima je pružena obuka i podrška u promoviranju smanjenja rizika od katastrofa na nivou lokalnih zajednica i podizanju svijesti o mjerama za jačanje pripremljenosti na katastrofe.



OSCE osposobljava Aarhus centre u oblasti smanjenja rizika od katastrofa, pošto oni igraju važnu ulogu u podizanju svijesti na nivou lokalnih zajednica i omogućava učešće javnosti u lokalnim procesima planiranja.

Priručnici i savjetodavni materijali

OSCE izrađuje publikacije na temu smanjenja rizika od katastrofa u cilju pružanja pomoći stručnom osoblju. Priručnici su namijenjeni osposobljavanju i aktivnostima podizanja svijesti zajednica koje se nalaze u područjima visokog rizika.



Follow OSCE



Sekretariat OSCE-a
Ured koordinatora OSCE-ovih ekonomskih i okolišnih aktivnosti

Wallnerstrasse 6
A-1010 Beč, Austrija

pm-eea@osce.org
www.osce.org/secretariat/eea
www.osce.org/secretariat/disaster-risk-reduction-and-security